



Osman Sinanović

Prof. dr sc. med.

Bosna i Hercegovina

Rođen 1952. godine u Dubošćici kod Lukavca (Bosna i Hercegovina). Osnovnu školu je završio u Dubošćici, Gimnaziju u Lukavcu, a Medicinski fakultet u Beogradu, gdje je položio i specijalistički ispit iz neuropsihijatrije, nakon četvorogodišnjeg specijalizantskog staža obavljenog u Tuzli i Beogradu. Magistrirao je u Tuzli 1983., a doktorirao u Zagrebu 1989. Od aprila 1980. do jula 2018. godine radio u Kliničkom centru (UKC) Tuzla. Educirao se u mnogim gradovima bivše Jugoslavije, u kraćim i dužim boravcima (Beograd, Zagreb, Ljubljana), kao i u inostranstvu (Njemačka, SAD, Japan).

Obavljao je različite dužnosti unutar svoje struke (načelnik Klinike za psihijatriju, načelnik klinike za neurologiju, direktor za edukaciju i naučnoistraživački rad UKC Tuzla, voditelj postdiplomskog studija Medicinskog fakulteta Univerziteta u Tuzli), Višegodišnji predavač na Medicinskom i Edukacijsko-rehabilitacijskom fakultetu, te Visokoj zdravstvenoj školi Univerziteta u Tuzli na predmetima neuropsihologija, neurologija i psihijatrija, medicinska psihologija, psihologija komunikacija, te na postdiplomskom studiju Medicinskog, Edukacijskog-rehabilitacijskog, Prirodno-matematičkog i Filozofskog fakulteta Univerziteta u Tuzli na predmetima naučno pisanje i metodologija istraživačkog rada. Trenutno je redovni profesor na Edukacijsko-rehabilitacijskom i Medicinskom fakultetu Univerziteta u Tuzli, angažovan na predmetima Neurologija i Neuropsihologija, na dodiplomskom studiju, te predmetima Metodologija naučno-istraživačkog rada na oba fakulteta. Voditelj je doktorskog studija na Edukacijsko-rehabilitacijskom fakultetu, te član Vijeća za doktorski studij Medicinskog fakulteta Univerziteta u Tuzli. Bio je gostujući profesor na medicinskom fakultetu Univerziteta u Ulmu (Njemačka), a akutelno je gostujući profesor Medicinskog fakulteta Sveučilišta u Osijeku i Veleučilištu u Vukovaru.

Član Istraživačkog odbora za neurologiju i psihijatriju Akademije nauka Bosne i Hercegovine, potpredsjednik Akademije medicinskih nauka Bosne i Hercegovine i više međunarodnih stručnih i naučnih asocijacija, te redakcijskih odbora stručnih i naučnih časopisa. Počasni je član Akademije medicinskih znanosti Hrvatske i naučne akademije "Gaetano Conte" sa sjedištem u Napulju (Italija) koja okuplja eksperte iz područja neuromuskularanih bolesti.

Objavio više stotina stručnih i naučnih radova od koji je više od stotinu registrirano u međunarodnim bazama podataka iz područja neurologije, psihijatrije, neuropsihologije i neurofarmakologije. Citiran 888 puta u stručnim i naučnim časopisima. Bio je mentor u 35 magisterija i 20 doktorata. Učestvovao je u pisanju i/ili uređivanju više od 50 knjiga objavljenih u zemlji i inostranstvu.